

## **HINKWASWO SWA VULAWURI SWI LULAMILE MAYELANA NA LEVHI YA SWINWIWA SWA CHUKELE**

**Pretoria, 28 Nyenyankulu 2018** – Vukorhokeri bya Xibalo bya Afrika-Dzonga (SARS) byi lulamerile ku simeka Levhi ya Swinwiwa swa Chukele (SBL) leyi nga ta sungula ku tirha hi ti1 Dzivamisoko 2018.

Vatumbuluxi lava humelerisaka swinwiwa swa chukele leswi nga na ntsengo wa lembe na lembe swa vundzeni bya chukele lebyi hundzaka 500kg hi lembe va fanele va layisensiwa hi SARS no hakela levhi eka SARS. Vatumbuluxi lavaya va humelerisaka ehansi ka 500kg hi lembe a va fanelangi ku hakela levhi, kambe va fanele ku titsarisela na SARS.

SARS yi tiyisisile leswaku tisisiteme leti faneleke to tirhana hi ku hetiseka no tirhiseka eka ku phurosesa, ku layisensa no tsarisela vatumbuluxi va swinwiwa swa chukele ta kumeka.

Levhi yi ta hakerisiwa eka 2.1 wa tisente hi gireme eka vundzeni bya chukele lebyi hundzaka 4 wa tigreme hi 100ml. Leswi swi vula leswaku 4 wa tigreme to sungula hi 100ml a ti hakeli levhi. Swinwiwa swa chukele leswi tumbuluxiweke ku nga si fika ti1 Dzivamisoko 2018 swi nge boheki ku hakela levhi.

Hi ku fambisana na endlelo ra SARS ro dyondzisa vahakelaxibalo no endla swi olova ku landzelerisa swiboho swa vona swa xibalo, SARS yi burisanile na vaamukeri va tinhundzu ku suka ematikwenimambe, vatumbuluxi na vakhumbheki van'wana va vumaki hi ku tirhisa nongonoko ya mikombiso ya le gondzweni leyi khomiweke eka swifundzhankulu swa ntlhanu emasunguleni ya Nyenyankulu.

Vuxokoxoko byo tala na tiFAQ mayelana na [Levhi ya Swinwiwa swa Chukele](#) swa kumeka eka webusayiti ya SARS: [www.sars.gov.za](http://www.sars.gov.za)